

ԺԱ.

Երեսդ ի խանգար նմանակ, ի խոնչին մէջըն շինած է.
Ուներդ ի կեռաս նըման 'ւ ի խոնչին մէջըն շարած է.
Աւա՛ղ ու հազար բերան, տեր չունիս որ ըզբեզ ամէ,
Օմրիկդ է սելով անցեր, ժամանկիկդ՝ որ մարդ չիզիտ:

ԲՍԱՆԵՒՈՒԹԵՐՈՐԴ ՏԱՂԱՇԱՐՔ

Ա.

Իմ եարս է հագեր քըթան, երդիցովն եկեր սուտ ի բան.
Գիտեմ թէ ի բան եկեր, նա եկեր հովուս հոգեհան.
-Ձեր տունն ի բանէ եկի, գբեզ տեսայ՝ զբանըս մոռացայ,
Ոտկունքս ո՛չ ի յետ կ'երթայ 'ւ ո՛չ յառաջ, սերկերտան եղայ:
Ես քեզ հազա՛ր ծառայ, ի՞նչ արիւր որ հընցկուն եղայ.
Շատոնց սիրոյ տեր էի, թ'ի՛նչ դըժար էր այս տըրպայ:

Բ.

Մեռնի՛մ քո չարին փոխան, հանց հաշուեմ թէ մարն չէ բերեր.
Ով քեզի ծանօթ եղեր՝ արեւուն ըզթարկն է տըլեր:
Ինձ կուճ, ա՛մ, Է՛ր կ'անեմ, յերկընո՛ւցըն գեմ չես իջեր.
Յազար մարդ վըկայ ունիմ, հողեղէն մարն է գբեզ բերեր:

ԲՍԱՆԵԻՆՆԵՐՈՐԴ ՏԱՂԱՇԱՐՔ

Ա.

Դարձաւ ու ճուղապ երես թէ՛ Յերի՛ք Եպլեհ զըրուցես,
Տարի մ'է ու չորս ամիս՝ կու սիրեմ, դու նո՞ր մի գիտես.
Ձագուկն առիւծուն եմ ես, զով սիրեմ ի հուն հանեմ ես.
Արե՛կ որ գբեզ այլ սիրեմ ու տանիմ այլ աշխարհի ի ներս:
Չարկամն որ ի գալ տեսնում, քո արե՛նն որ լաւ ջանում ես.
Չարիւսս ի վերայ թափեմ, թո՛ւիս աչեր, դու կանգնե՛՛ ու տե՛ս:

Բ.

Քո տունն ի յանտառ մորին եւ քո դուռն ի դեմ դիժարին:
Քո բերդն ի զենճիլ նըման, ու հազար մըսալ զենճիլին.
Ըզթեւն արծըլին առնում գամ մըտնում ի մէջ զենճիլին.
Չճիկարն առիւծուն առնում, գամ մըտնում ի մէջ քո բերդին,